

PARLAMENTARNA SKUPŠTINA BOSNE I HERCEGOVINE

95

Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine na sjednici Doma naroda, održanoj 18. maja 2002. godine i na sjednici Predstavničkog doma, održanoj 18. maja 2002. godine, usvojila je

ZAKON

O NAMJENI I KORIŠTENJU DIJELA IMOVINE KOJU JE BOSNA I HERCEGOVINA DOBILA PO SPORAZUMU O PITANJIMA SUKCESIJE

I - Opće odredbe

Član 1.

Ovim zakonom utvrđuje se namjena i korištenje dijela imovine koju je Bosna i Hercegovina dobila po Sporazumu o pitanjima sukcesije, koji je ratificiran Odlukom o ratifikaciji Sporazuma o pitanjima sukcesije ("Službeni glasnik BiH - Međunarodni ugovori", broj 10/01), a nalazila se u Banci za međunarodna poravnanja u Baselu.

II - Vrijednost i struktura sredstava sukcesije

Član 2.

Vrijednost sredstava sukcesije koja su predmet ovog zakona na dan 31.5.2002. godine iznosi:

1. Novac kod Centralne banke Bosne i Hercegovine 8,833.914,08 KM

901.587,13 USD (1,026.631,38 eura) 2,007.916,45 KM

1,526.658,23 eura 2,985.883,97 KM

2,860.114,53 CHF (100 CHF = 133,6 KM, 3.5.2002) 3,840.113,66 KM

2. Novac od prodaje zlata (195.543,2 Oz x 273,18 USD = 53.419.095,30 USD x 1,1372 = 60.748.904,00 eura) 118,840.528,90 KM

3. Dionice Bosne i Hercegovine u Banci za međunarodna poravnanja u Baselu (1060 dionica u vrijednosti od 11.938.984,86 USD 13.6.2001, prevedena po kursu 1 USD = 2,2 KM) 26,364.456,87 KM

4. Kamate i dividende 1,972.473,30 KM

kamate na oročena sredstva sa 31.5.2002. godine 1,462.655,70 KM

dividende na dionice Banke za međunarodna poravnanja u Baselu 509.817,60 KM

UKUPNO 156,011.373,15 KM

III - Namjena sredstava sukcesije

Član 3.

Sredstva sukcesije iz člana 2. ovog zakona raspoređuju se u sljedeće namjene:

1. Prijenos dionica Bosne i Hercegovine iz Banke za međunarodna poravnanja u Baselu na Centralnu banku Bosne i Hercegovine 26,364.456,87 KM

2. Za Budžet institucija Bosne i Hercegovine i međunarodnih obaveza Bosne i Hercegovine, a za izmirenje međunarodnih obaveza, troškova procesa sukcesije i obaveza institucija Bosne i Hercegovine 19,646.916,28 KM

3. Za potrebe Federacije Bosne i Hercegovine 71,500.000,00 KM

4. Za potrebe Republike Srpske 38,500.000,00 KM

UKUPNO: 156,011.373,15 KM

Prijenos sredstava iz prethodnog stava, tačka 2., na Jedinstveni račun Trezora institucija Bosne i Hercegovine i sredstava prethodnog stava, tač. 3. i 4., na depozitne (escrow) račune entiteta izvršit će se u roku od 15 dana od dana stupanja na snagu ovog zakona.

Sredstva iz stava 1. tač. 3. i 4. ovog člana koristit će se u skladu sa Memorandumom o ekonomskim i finansijskim politikama, zaključenim između Bosne i Hercegovine i Međunarodnog monetarnog fonda i ne mogu se koristiti u predizborne svrhe.

U slučaju promjene kursa valuta i za pripisane kamate i dividende efekti razlika pripisat će se Budžetu institucija Bosne i Hercegovine i međunarodnih obaveza Bosne i Hercegovine.

IV - Procedure i ovlaštenja za korištenje sredstava sukcesije

Član 4.

Prijenos dionica Bosne i Hercegovine iz Banke za međunarodna poravnanja u Baselu na Centralnu banku Bosne i Hercegovine izvršit će se na osnovu ugovora između Vijeća ministara Bosne i Hercegovine i Centralne banke Bosne i Hercegovine, koja će te dionice uključiti u svoj kapital, odnosno rezerve.

Član 5.

Vijeće ministara Bosne i Hercegovine ovlašćuje se da donosi potrebne akte za realizaciju ovog zakona.

V - Prijelazne i završne odredbe

Član 6.

Ovaj zakon stupa na snagu danom objavljivanja u "Službenom glasniku BiH".

Ovaj zakon objavit će se i u službenim glasilima entiteta i Brčko Distrikta Bosne i Hercegovine.

PS BiH broj 49/02 18. maja 2002.godine Sarajevo

Predsjedavajući Predstavničkog doma Parlamentarne skupštine BiH Mariofil Ljubić, s. r.

Predsjedavajući Doma naroda Parlamentarne skupštine BiH dr.Nikola Špirić, s. r.